



28-02-2024

Org. jed.	Broj	Priloga	Vrijednost

Broj: 01/15-02-482/24-2
Sarajevo, 26. 2. 2024.godine

**PREDSTAVNIČKOM DOMU
PARLAMENTA FEDERACIJE BiH**

Odbor za energetiku, rudarstvo i industriju Predstavničkog doma Parlamenta Federacije Bosne i Hercegovine na 9. sjednici Odbora, održanoj 26. 2. 2024. godine razmatrao je sljedeći:

DNEVNI RED

1. Informacija o aktivnostima u postupku izdavanja Energetske dozvole za izgradnju VE „Škadimovac“ privrednog društva „RWP Vitorog“ d.o.o Glamoč sa Prijedlogom zaključka,
2. Inicijativa za donošenje Zakona o izmjeni Zakona o obrtu i srodnim djelatnostima, koju je pokrenuo Grad Tuzla, broj: 01-02-2877/23 od 8.12.2023. godine,
3. Zahtjev za donošenje zakona o gasovodu „Južna interkonekcija Bosna i Hercegovina i Republika Hrvatska“, koju je Odboru uputio gosp. Haris Silajdžić, zamjenik predsjednika Odbora, broj: 01/15-02-346/24 od 29. 1.2024. godine,
4. Zahtjev Sindikata metalaca FBiH za donošenje zakona o minimalnoj plaći, zakona o doprinosima i zakona o porezu na dohodak, 01/c-02-418/24 od 8. 2 2024. godine.

Dnevni red Odbora jednoglasno je usvojen.

Na osnovu člana 44. stav 2., a u vezi sa članom 70. Poslovnika Predstavničkoga doma Parlamenta Federacije BiH, Odbor podnosi sljedeći:

IZVJEŠTAJ

Ad-1

Informacija o aktivnostima u postupku izdavanja Energetske dozvole za izgradnju VE „Škadimovac“ privrednog društva „RWP Vitorog“ d.o.o Glamoč sa Prijedlogom zaključka

Uvodno izlaganje o navedenoj tački dnevnog reda dao je gosp. Halko Balavac, predstavnik Federalnog ministarstva energije, rudarstva i industrije. Odbor je detaljno razmotrio Informaciju o aktivnostima u postupku izdavanja Energetske dozvole za izgradnju VE „Škadimovac“ privrednog društva „RWP Vitorog“ d.o.o Glamoč sa Prijedlogom zaključka i jednoglasno usvojio sljedeći:

ZAKLJUČAK

Odbor je prihvatio Informaciju o aktivnostima u postupku izdavanja Energetske dozvole za izgradnju VE „Škadimovac“ privrednog društva „RWP Vitorog“ d.o.o Glamoč sa Prijedlogom zaključka.



Ad-2

Inicijativa za donošenje Zakona o izmjeni Zakona o obrtu i srodnim djelatnostima, koju je pokrenuo Grad Tuzla, broj: 01-02-2877/23 od 8.12.2023. godine

Na Odbor je prosljeđena Inicijativa za donošenje Zakona o izmjeni Zakona o obrtu i srodnim djelatnostima, koju je pokrenuo Grad Tuzla, broj: 01-02-2877/23 od 8.12.2023. godine. Predstavnik Federalnog ministarstva razvoja, poduzetništva i obrta, gosp. Izedin Kurtović upoznao je Odbor sa Izjašnjenjem Vlade Federacije Bosne i Hercegovine o navedenoj Inicijativi, broj: 01-02-2877/23 od 9. 2. 2024. godine.

Nakon detaljne rasprave o navedenoj Inicijativi, Odbor je jednoglasno usvojio sljedeći:

ZAKLJUČAK

Odbor je prihvatio Izjašnjenje Vlade FBiH na Inicijativu za donošenje Zakona o izmjeni Zakona o obrtu i srodnim djelatnostima, koju je pokrenuo Grad Tuzla, broj: 01-02-2877/23 od 9. 2.2024. godine.

Ad-3

Zahtjev za donošenje zakona o gasovodu „Južna interkonekcija Bosna i Hercegovine i Republika Hrvatska“, koju je Odboru uputio gosp. Haris Silajdžić, zamjenik predsjednika Odbora, broj: 01/15-02-346/24 od 29. 1.2024. godine

Uvodno izlaganje o navedenoj tački dnevnog reda dao je gosp. Haris Silajdžić, zamjenik predsjednika Odbora, te gđa. Nihada Glamoč, direktorica BH Gasa d.o.o. Sarajevo i gosp. Almir Bečarević, javni radnik i naučni stručnjak za gas. Sjednici Odbora je prisustvovao i gospo. Emil Ahmagić, posmatrač na sjednici ispred Ekonomskog odjela Ambasade SAD.

Odbor je detaljno razmotrio navedenu tačku dnevnog reda i jednoglasno usvojio sljedeće:

ZAKLJUČKE

1. Odbor predlaže Vladi Federacije BiH da u skladu sa Zaključkom Zakonodavno-pravne komisije dostavi mišljenje na Prijedlog Zakona o gasovodu „Južna interkonekcija Bosna i Hercegovina i Republika Hrvatska“,
2. Odbor cijeni da u slučaju da Vlada Federacije BiH ne dostavi mišljenje u roku od 30 dana, da se Prijedlog Zakona o gasovodu „Južna interkonekcija Bosna i Hercegovina i Republika Hrvatska“ uputi u daljnju parlamentarnu proceduru,
3. Odbor je stava da je dostavljeni Prijedlog Zakona o gasovodu „Južna interkonekcija Bosna i Hercegovina i Republika Hrvatska“, a koji je prethodno već bio usvojen na



Predstavničkom domu Parlamenta FBiH, dovoljna osnova za uspješnu realizaciju projekta ovog interkonekcijskog gasovoda,

4. Odbor predlaže da Vlada Federacije BiH uvaži opći društveni interes koji odgovara interesima i potrebama potrošača za stabilnom i raznovrsnom opskrbom gasa,
5. Odbor predlaže Vladi Federacije BiH da uvaži kriterije ekonomske održivosti, a koji bi se realizovali kroz Program javnih investicija FBiH za 2024. - 2026. godinu sa projektima BH- Gasa.

Ad-4

Zahtjev Sindikata metalaca FBiH za donošenje Zakona o minimalnoj plaći, Zakona o doprinosima i Zakona o porezu na dohodak, 01/c-02-418/24 od 8. 2 2024. godine

Na Odbor je proslijeđen Zahtjev Sindikata metalaca FBiH za donošenje zakona o minimalnoj plaći, zakona o doprinosima i zakona o porezu na dohodak, 01/c-02-418/24 od 8. 2. 2024. godine. Uvodno izlaganje o navedenoj tački dnevnog reda dali su gosp. Almir Salihović, predsjednik Sindikata metalaca FBiH, gosp. Vahid Ramić i gosp. Kenan Mujkanović, potpredsjednici Sindikata metalaca FBiH.

Nakon rasprave o navedenoj tački dnevnog reda, Odbor je jednoglasno usvojio sljedeće:

ZAKLJUČKE

1. Odbor je podržao Zahtjev Sindikata metalaca FBiH za donošenje zakona o minimalnoj plaći, zakona o doprinosima i zakona o porezu na dohodak, 01/c-02-418/24 od 8. 2 2024. godine,
2. Odbor predlaže Vladi Federacije BiH da ubrza fiskalne reforme koje će umanjiti doprinose, porez i dovesti do rasta plaća svih radnika te da u najkraćoj proceduri uputi Parlamentu Federacije BiH prijedloge: zakona o minimalnoj plati, zakona o doprinosima i zakona o porezu na dohodak, uz očuvanje ravnoteže unutar budžetskog sistema koji se tiče punjenja fonda penzijskog i invalidskog osiguranja, kao i održivosti drugih obaveza prema drugim korisnicima unutar Federacije BiH.

Za izvjestitelja u Predstavničkom domu Parlamenta FBiH određen je gosp. Kadrija Hodžić, predsjednik Odbora.

PREDSJEDNIK ODBORA

Kadrija Hodžić